



Broj/Број: 04/5-50-1-531-18-2/10
Sarajevo/Сарајево, 30.11.2010.

**IZVJEŠTAJ O RADU
DELEGACIJE PARLAMENTARNE SKUPŠTINE BiH U PARLAMENTARNOJ
SKUPŠTINI NATO-a ZA 2010. GODINU
(1.1.-30.11.2010.)**

1. Uvodne napomene

Na osnovu člana 173. stav (3) Poslovnika Predstavničkog doma Parlamentarne skupštine Bosne i Hercegovine («Službeni glasnik BiH», br. 33/06, 41/06, 81/06 i 91/06) i člana 170. stav (3) Poslovnika Doma naroda Parlamentarne skupštine Bosne i Hercegovine («Službeni glasnik BiH», br. 33/06, 41/06 i 91/06), Delegacija Parlamentarne skupštine Bosne i Hercegovine u Parlamentarnoj skupštini NATO-a, na 18. sjednici, održanoj 30.11.2010., usvojila je Izvještaj o radu za 2010. godinu.

2. Aktivnosti Delegacije PSBiH u PSNATO-a tokom 2010. godine

Uvod

Parlamentarna skupština NATO-a



NATO Parliamentary Assembly

Parlamentarna skupština NATO-a je međuparlamentarna organizacija koja okuplja parlamentarce iz 28 država članica i 14 država pridruženih članica.

Parlamentarna skupština NATO-a osnovana je 1955. godine i tada je funkcionirala kao godišnja konferencija parlamentaraca država članica NATO-a.

Ciljevi Parlamentarne skupštine NATO-a mogu se definirati kao:

- podsticanje dijaloga među parlamentarcima o glavnim pitanjima sigurnosti,
- upoznavanje NATO-a i država članica NATO-a s mišljenjem parlamentaraca,
- osiguravanje veće transparentnosti politike NATO-a i većeg stepena kolektivne odgovornosti,
- jačanje transatlantskog odnosa,
- pružanje pomoći u razvoju parlamentarne demokratije uključivanjem parlamentaraca iz zemalja koje nisu članice u rad Skupštine,
- pružanje direktne pomoći parlamentima koji aktivno traže članstvo u Skupštini,
- povećanje saradnje sa zemljama Kavkaza i Mediterana,
- pružanje pomoći u razvoju parlamentarnih mehanizama za efikasnu demokratsku kontrolu oružanih snaga.

Između PSNATO-a i NATO-a nema formalnog odnosa, ali ipak blisko sarađuju s obzirom da predsjednik Skupštine učestvuje na samitu šefova država i vlada država članica NATO-a.

Parlamentarna skupština NATO-a godišnje održava **dva plenarna zasjedanja**, jedno u proljeće, krajem maja, a drugo u jesen, u oktobru ili novembru.

Na **proljetnom zasjedanju** komisije razmatraju svoje izvještaje i sastaju se sa zvaničnicima vlada i ekspertima. Skupština na plenarnom zasjedanju razmatra ključne teme i obraćaju joj se lideri država i lideri međunarodnih organizacija: predsjednik PSNATO-a, visoki zvaničnik države domaćina, generalni sekretar NATO-a i drugi.

Na **jesenjem zasjedanju** usvajaju se izvještaji komisija i preporuke koje nisu obavezujuće, ali se upućuju vladama i parlamentima država članica i pridruženih članica. Generalni sekretar NATO-a upućuje pismenu reakciju na preporuke.

Na jesenjem zasjedanju parlamentarcima se obraćaju predsjednik Skupštine NATO-a, visoki zvaničnik države domaćina i generalni sekretar NATO-a.

Biraju se zvaničnici Skupštine: predsjednik, pet potpredsjednika i šef finansija. Predsjednik i pet potpredsjednika biraju se na jednogodišnji mandat i mogu biti još jedanput ponovo izabrani. Šef finansija bira se svake druge godine.

Sadašnji predsjednik PSNATO-a je **Karl A. Lamers**, član Bundestaga, SR Njemačka.

Skupština, također, ima **Biro i Stalni komitet**.

Biro čine predsjednik, pet potpredsjednika i šef finansija.

Stalni komitet čine: po jedan član svake delegacije država članica i predsjednik, pet potpredsjednika i šef finansija.

Radni jezici Skupštine su engleski i francuski.

Parlamentarna skupština NATO-a ima **pet komisija i osam potkomisija**.

Komisije pripremaju izvještaje i preporuke u vezi s NATO-om koje se zatim razmatraju na plenarnom zasjedanju. Preporuke se nakon usvajanja upućuju parlamentima i vladama država članica i pridruženih članica, NATO-u i drugim međunarodnim organizacijama.

Između ostalog, komisijama se obraćaju visoki vladini zvaničnici.

Sve komisije održavaju sastanke za vrijeme proljetnog i jesenjeg zasjedanja. Također, Komisija za odbranu i sigurnost, Komisija za ekonomiju i sigurnost i Politička komisija sastaju se svakog februara u Briselu s visokim zvaničnicima NATO-a i EU.

U okviru komisija postoje potkomisije koje se detaljnije bave posebnim pitanjima. Osam potkomisija obično se sastaju nekoliko puta godišnje i posjećuju različite zemlje kako bi se upoznale sa situacijom na terenu i o tome pripremile izvještaj.

Komisije:

1. Komisija za civilnu dimenziju sigurnosti

Potkomisija za demokratsko upravljanje

2. Komisija za odbranu i sigurnost

Potkomisija za transatlantsku saradnju u oblasti odbrane i sigurnosti

Potkomisija za buduće sposobnosti u oblasti sigurnosti i odbrane

3. Komisija za ekonomiju i sigurnost

Potkomisija za ekonomsku saradnju Istoka i Zapada

Potkomisija za transatlantske ekonomske odnose

4. Komisija za politička pitanja

Potkomisija za transatlantske odnose

Potkomisija za partnerstva NATO-a

5. Komisija za nauku i tehnologiju

Potkomisija za pitanja širenja vojne tehnologije

Seminari

Skupština svake godine organizira tri *Rose-Roth* seminara i dva seminara Mediteranskog dijaloga.

Skupština je 1999. godine pokrenula godišnji program za nove parlamentarce, u kojem učestvuju novi članovi parlamenta, naprimjer novi članovi delegacije.

Transatlantski forum

Skupština održava godišnji parlamentarni transatlantski forum u Sjedinjenim Američkim Državama, na kojem članovi Skupštine s američkim stručnjacima razmatraju transatlantska gledišta o nizu pitanja u vezi s NATO-om.

Posebna grupa za Mediteran sastaje se obično tri puta godišnje, ali ne za vrijeme plenarnih zasjedanja.

Parlamentarni komitet NATO - Rusija okuplja šefove delegacija država članica i šefa Delegacije Rusije. Sastaje se za vrijeme plenarnih zasjedanja Skupštine.

Međuparlamentarno vijeće Ukrajina – NATO čine predstavnici komisija Skupštine i vodeći članovi Parlamenta Ukrajine. Vijeće se sastaje dva puta godišnje, jednom u Briselu i jednom u Kijevu.

Od 25.5.2007. Parlamentarna skupština BiH u PSNATO-a ima status pridružene članice.

Članice PSNATO-a:

1. Albanija
2. Belgija
3. Bugarska
4. Češka Republika
5. Danska
6. Estonija
7. Francuska
8. Grčka
9. Hrvatska
10. Island
11. Italija
12. Kanada
13. Letonija
14. Litvanija
15. Luksemburg
16. Mađarska
17. Holandija
18. Norveška
19. Njemačka
20. Poljska
21. Portugal
22. Rumunija
23. SAD
24. Slovačka Republika
25. Slovenija
26. Španija
27. Turska
28. Velika Britanija

Pridružene članice PSNATO-a:

1. Ermenija
2. Austrija
3. Azerbejdžan
4. Bosna i Hercegovina
5. Crna Gora
6. Finska
7. Makedonija
8. Gruzija
9. Moldavija
10. Ruska Federacija

11. Srbija
12. Švedska
13. Švicarska
14. Ukrajina

Predstavnici **Evropskog parlamenta** imaju deset predstavnika u PSNATO-a.

Regionalni partneri i mediteranske zemlje - pridruženi članovi imaju 20 predstavnika u PSNATO-a. Predstavnici parlamenata Alžira, Maroka, Izraela i Jordana imaju svoje predstavnike u ovoj grupi.

U radu PSNATO-a učestvuju i **parlamentarni posmatrači** sedam zemalja među kojima su predstavnici Australije, Egipta, Japana, Kazahstana, Palestinskog vijeća za legislativu, Tunisa i Južne Koreje.

2a. Pregled aktivnosti Delegacije PSBiH u PSNATO-a tokom 2010. godine

U 2010. godini Delegacija PSBiH u PSNATO-a održala je tri sjednice.

Učešća Delegacije na zasjedanjima, seminarima i sastancima tokom 2010. godine:

- Proljetno zasjedanje PSNATO-a u Rigi, Latvija, 28.5. – 1.6.2010.;
- Godišnje zasjedanje PSNATO-a u Varšavi, Poljska, 12. - 16.11.2010.;
- 75. *Rose-Roth* seminar u Makedoniji, Skoplje, 19. - 21.10.2010.;
- Posjeta članova Komiteta za odbranu i sigurnost PSNATO-a Bosni i Hercegovini, 22. - 24.6.2010.;
- Sastanak sekretara delegacija u PSNATO-a, Brisel, 11. - 13.2.2010.

Prisustvo članova Delegacije na 75. *Rose-Roth* seminaru u Skoplju koji su organizirali Parlament Makedonije i PSNATO-a bilo je veoma važno s obzirom da se raspravljalo o aktuelnoj situaciji u Jugoistočnoj Evropi, odnosno na Zapadnom Balkanu, o graničnoj sigurnosti na Balkanu, reformi sektora odbrane i sigurnosti u BiH, energetske sigurnosti na Balkanu: izazovi i mogućnosti, reforma odbrane, euroatlantske integracije, saradnja s Međunarodnim sudom u Hagu (ICTY) i situacija na Kosovu.

Na seminaru su učestvovala 54 parlamentarca, člana PSNATO-a iz 11 zemalja članica, i šest pridruženih članica, te gosti parlamentarci iz Parlamenta Kosova.

Seminar „**Jugoistočna Evropa - kreiranje novog podsticaja**“ bio je podijeljen u pet sesija:

- Bivša Jugoslovenska Republika Makedonija: naučene lekcije u prevenciji konflikta i građenje multietničke države;
- Podrška procesima reforme na Zapadnom Balkanu: Da li trebamo novu strategiju?;
- Uloga NATO-a na Zapadnom Balkanu nakon Lisabona: očekivanja i perspektiva;
- Stvaranje novih okolnosti za pomirenje i regionalnu saradnju na Balkanu;
- Kosovo nakon savjetodavnog mišljenja Međunarodnog suda pravde: Šta i kako dalje?

Posebno značajan događaj u 2010. godini bio je sastanak koji su članovi kolegija oba doma PSBiH, članovi Delegacije PSBiH u PSNATO-a, članovi Zajedničke komisije za odbranu i sigurnost BiH i članovi Zajedničke komisije za nadzor nad radom OSABiH održali 23.6.2010. s članovima Komiteta za odbranu i sigurnost i članovima Potkomiteta za odbrambenu sposobnost PSNATO-a.

U sklopu dvodnevne posjete Bosni i Hercegovine gosti iz PSNATO-a su tokom sastanka u PSBiH razmijenili mišljenja s predstavnicima PSBiH o brojnim pitanjima, a posebno o Akcionom planu za

članstvo - MAP, problemima u rješavanju vojne imovine, ustavnim promjenama, evropskoj i euroatlantskoj perspektivi Bosne i Hercegovine kao i o drugim brojnim pitanjima.

Gosti iz PSNATO-a su tom prilikom posjetili Predsjedništvo BiH, razgovorali s predstavnicima Ministarstva odbrane BiH, Zajedničkog štaba OSBiH, te s predstavnicima OHR-a, EUFOR-a, NATO-a i Misije OSCE-a u BiH.

U radu Proljetnog zasjedanja Parlamentarne skupštine NATO-a, održanog u Rigi, od 28.5. do 1.6.2010., učestvovali su: Milorad Živković, predsjedavajući Delegacije PSBiH u PSNATO-a, i Ivo Miro Jović, član Delegacije.

Na 56. godišnjoj konferenciji PSNATO-a, održanoj u Varšavi, od 12. do 16.11.2010., učestvovali su: Milorad Živković, predsjedavajući Delegacije PSBiH u PSNATO-a, i Ivo Miro Jović, član Delegacije.

Delegacija PSBiH u PSNATO-a obavezna je da učestvuje u aktivnostima PSNATO-a u svojstvu pridružene članice. U skladu s tim, članovi Delegacije PSBiH u PSNATO-a obavezni su da se pridržavaju ciljeva i programa postavljenih u aktivnostima (konferencije, seminari, rad u komisijama) PSNATO-a.

U sadašnjoj fazi i aktivnostima koje Bosna i Hercegovina provodi s NATO-om korist od učešća na zasjedanjima PSNATO-a je višestruka. Članovi Delegacije PSBiH u PSNATO-a su u poziciji da prisustvuju godišnjim zasjedanjima (proljeće, jesen), učestvuju u radu komisija, daju prijedloge i sugestije na ponuđene dokumente (deklaracije i rezolucije) te da daju svoje i mišljenje Delegacije o određenim pitanjima o kojima se razgovara na konferencijama i seminarima. Članovi Delegacije su u prilici da se tokom zasjedanja sretnu s predstavnicima drugih delegacija stalnih i pridruženih članica, da s njima razmijene mišljenja o određenoj problematici te da lobiraju za ostvarivanje ciljeva za koje se Bosna i Hercegovina opredijelila svojom zvaničnom politikom.

U Briselu je 11. i 12.2.2010. održan godišnji sastanak sekretara parlamentarnih delegacija u PSNATO-a.

U ime Delegacije PSBiH u PSNATO-a sastanku je prisustvovao Željko Grubešić, sekretar Delegacije.

Učesnike sastanka pozdravio je David Hobbs, generalni sekretar PSNATO-a. U svom izlaganju prezentirao je težišne aktivnosti PSNATO-a u 2010. godini, obaveze Međunarodnog sekretarijata i obaveze sekretara delegacija u parlamentarnim delegacijama.

U prilogu su date informacije o učešću Delegacije PSBiH na spomenutim seminarima i zasjedanjima PSNATO-a.

PREDSJEDAVAJUĆI DELEGACIJE
dr. Milorad Živković

Prilog:

- Izvještaj sa 75. *Rose Roth* seminara, održanog u Skoplju, Makedonija, 19. - 21.10.2010.
- Izvještaj s Proljetnog zasjedanja PSNATO-a u Rigi, Latvija, 28.5. – 1.6.2010.
- Izvještaj s Godišnjeg zasjedanja PSNATO-a, održanog u Varšavi, Poljska, 12. - 16.11.2010.

Dostaviti:

- Kolegiju Doma naroda
- Kolegiju Predstavničkog doma
- Kolegiju Sekretarijata